

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 3. Odluke o odobravanju sredstava Gradu Zenica u svrhu sufinansiranja kapitalnog projekta za 2023. godinu, broj: 02-11-9152/23 od 02.06.2023. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 24. sjednici, održanoj dana 15.06.2023. godine, d o n o s i

ZAKLJUČAK

I.

Daje se saglasnost Draženki Subašić, ministrici Ministarstva za obrazovanje, nauku, kulturu i sport Zeničko-dobojskog kantona za potpisivanje Ugovora o prenosu sredstava Gradu Zenica u svrhu sufinansiranja kapitalnog projekta za 2023. godinu „Izgradnja zatvorenog olimpijskog bazena u Zenici (1. faza)“, koji se prilaže uz ovaj zaključak i smatra se njegovim sastavnim dijelom.

II.

Za realizaciju ovog zaključka zadužuje se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

III.

Zaključak stupa na snagu danom donošenja.

Broj: 02-_____/23
Datum, 15.06.2023. godine
Z e n i c a

PREMIJER
po ovlaštenju

Dženana Čišija

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x a/a.

Na osnovu člana 3. Odluke o odobravanju sredstava Gradu Zenica u svrhu sufinansiranja kapitalnog projekta za 2023. godinu, sa pozicije „Kapitalni transferi drugim nivoima vlasti“ Budžeta Zeničko-dobojskog kantona za 2023. godinu, broj: 02-11-9152/23 od 02.06.2023. godine i saglasnosti Vlade Zeničko-dobojskog kantona date Zaključkom broj: _____/23, od __,__,2023. godine, ugovorne strane:

1. Ministarstvo za obrazovanje, nauku, kulturu i sport Zeničko-dobojskog kantona, koje zastupa ministrica Draženka Subašić,

i

2. Grad Zenica, kojeg zastupa gradonačelnik Fuad Kasumović, zaključuju:

UGOVOR O PRENOSU SREDSTAVA

Član 1.

Ovim ugovorom, u skladu sa članom 3. Odluke o odobravanju sredstava Gradu Zenica u svrhu sufinansiranja kapitalnog projekta za 2023. godinu, sa pozicije „Kapitalni transferi drugim nivoima vlasti“, Budžeta Zeničko-dobojskog kantona za 2023. godinu, broj: 02-11-9152/23 od 02.06.2023. godine, uređuje se prenos novčanih sredstava Gradu Zenica u svrhu sufinansiranja Projekata „Izgradnja zatvorenog olimpijskog bazena u Zenici (1. faza)“.

Član 2.

Ministarstvo za obrazovanje, nauku, kulturu i sport se obavezuje da će nakon potpisivanja ovog ugovora izvršiti prenos sredstava Gradu Zenica kao nosiocu i sufinansijeru Projekta u ukupnom iznosu od 1.000.000,00 KM (slovima: milionkonvertibilnihmaraka), odobrenih Odlukom Vlade Zeničko-dobojskog kantona o odobravanju sredstava gradu Zenica u svrhu sufinansiranja kapitalnog projekta za 2023. godinu „Izgradnja zatvorenog olimpijskog bazena u Zenici (1. faza)“, iz Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23).

Član 3.

Odobrena sredstva iz člana 2. ovog ugovora će biti uplaćena na račun Grada Zenica, broj: 141-355-5320016107 otvorenog kod BBI Banke Sarajevo, filijala Zenica, vrsta prihoda 742114, šifra općine 103.

Član 4.

Grad Zenica je odgovoran za namjenski i zakonit utrošak sredstava iz člana 2. ovog ugovora, koja su joj odobrena u svrhu sufinansiranja Projekata „Izgradnja zatvorenog olimpijskog bazena u Zenici (1. faza)“.

Član 5.

Grad Zenica je dužan dostaviti izvještaj o namjenskom utrošku odobrenih sredstava Ministarstvu za obrazovanje, nauku, kulturu i sport, u roku od 15 dana od dana utroška istih, a najkasnije u roku od godinu dana od dana doznačavanja sredstava iz člana 2. ovog ugovora.

Član 6.

Ukoliko Grad Zenica ne postupi po odredbama iz članova 4. i 5. ovog ugovora a koje se odnose na namjenski i zakonit utrošak sredstava i dostavu izvještaja o namjenskom utrošku sredstava, Ministarstvo za obrazovanje, nauku, kulturu i sport Zeničko-dobojskog kantona će zatražiti povrat uplaćenih sredstava.

Član 7.

U slučaju spora priznaje se stvarna i mjesna nadležnost suda u Zenici.

Član 8.

Ovaj ugovor stupa na snagu danom potpisivanja i sačinjen je u četiri istovjetna primjerka od kojih svaka ugovorna strana zadržava po dva primjerka.

MINISTRICA

Draženka Subašić

GRADONAČELNIK

Fuad Kasumović

Broj: 10-11-9152-1/23
Datum, 12.06.2023. godine
Zenica

Zenica

Broj:
Datum,